



Broj: 01-04-8-553/22-7  
Datum: 17.6.2022. godine

Na osnovu člana 69. stav (2) tačka a) i člana 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-553/22-3 od 16.6.2022. godine, načelnik Općine Travnik, **donosi**

## RJEŠENJE

### o poništenju dijela postupka javne nabavke

- (1) Poništava se postupak javne nabavke broj 01-04-8-553/22 za javnu nabavku radova: „Izvođenje radova na uređenju vodnog područja rijeke Lašve i izgradnji kaptaza“ sa podjelom na lotove u dijelu koji se odnosi na:  
**- LOT 4 - Izvođenje radova na izgradnji kaptaza na vodovodu Gorčevica**, iz razloga što nije dostavljena ni jedna ponuda u određenom krajnjem roku.
- (2) Za izvršenje ovog Rješenja zadužuje se Služba za obnovu, izbjeglice, raseljena lica i stambene poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

## Obrazloženje

Postupak javne nabavke radova: „Izvođenje radova na uređenju vodnog područja rijeke Lašve i izgradnji kaptaza“ sa podjelom na lotove pokrenut je Rješenjem o pokretanju postupka broj: 01-04-8-553/22 od 14.5.2022. godine. Javna nabavka provedena je putem otvorenog postupka nabavke. Procijenjena vrijednost javne nabavke bez uračunatog PDV-a iznosi 105.983,00 KM, što predstavlja zbir procijenjenih vrijednosti četiri lota. Procijenjena vrijednost za LOT 4 – „Izvođenje radova na izgradnji kaptaza na vodovodu Gorčevica“, iznosi 33.333,00 KM bez PDV-a.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-64-3-46/22 od 16.5.2022. godine, „Službeni glasnik BiH“ broj 32/22. Rok za dostavljanje ponuda u skladu sa tenderskom dokumentacijom bio je 6.6.2022. godine.

Komisija za javnu nabavku imenovana je Rješenjem broj: 01-30-10-1356/21-1 od 27.12.2021. godine, te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda.

Komisija za javne nabavke Općine Travnik dostavila je dana 16.6.2022. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-04-8-553/22-3, sa preporukom o poništenju dijela postupka i u kojem je konstatovano da za radove iz lota 4 nije pristigla ni jedna ponuda.

U postupku ocjene provedenog postupka, načelnik Općine nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka a) Zakona o javnim nabavkama BiH, odlučeno je kao u dispozitivu ovog Rješenja.

### POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od deset dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović

DOSTAVLJENO:

- Web stranica UO
- a/a

